



Pia Hilaria R. P. Angelini Gazæi E Societate Iesv Atrebatis

Gazet, Angelin

Antverpiae, 1629

Hæreticus Minister dum procuratur, à Matronâ pudicâ venum exponitur in
arcâ, in quam seipse condiderat, ne deprehenderetur.

[urn:nbn:de:hbz:466:1-70444](#)

*Aequo tenerius, ac honesto largius,
Ex aseis heres huius esto Peculij.
Ita do, ita lego, ita testor, hac mens ultima.
Creuere nasi heredibus palmos decem.
» Si sapitis, hinc vos sapite Proles improbae,
» Senium Parentum colite, quo par est, modo:
» Si sapitis, hinc & sapite Patres prodigi,
» Frænos amori ponite, & donis modum.*

Hæreticus Minister dum procatur, à Matronâ pudicâ venum exponitur in Arcâ, in quâ seipse condiderat, ne deprehenderetur.

Ex Histor. impressâ Agen. 1615.

Lvbens ministris vellico par aurium,
Namque hi Magistri prurientes auribus,
Has sibi fricari gestiunt, ritu canum,
Aut sibimet affricare, ritu felium.
Iuuenis Minister vrbe Cleraci fuit;
Sed (quod dolendum, quod pudendum est) is simul
Procus erat & Minister, vt multi solent;
Parcite, quaternas si decusso litteras;
Porcus erat, & Minister, vt plures solent,
Nati salacis in volutabro suis.
Quacumque gressum ferret hic Veneris nepos,
Suæ ministros impigros pruriginis
Oculos Minister embrabat in obuias,
Aliena coniux seu foret, seu non foret;
Prurigo totus, palea totus arida,
Et stupa totus, natus vri & vrere,
Si tenuis olli flamma sicret obuia.

G 7

Si

Si fora subiret, aut obiret compita,
Crepidâ hinniente, lubricante tibiâ,
Crispante naso, surrigente palpebrâ,
Oculos natantes in libidinis luto,
Petulcus euibrabat in pulcherrimas.

Si primus Helenas inter, aut Lucretias,
(Quod crebriùs solebat) inter Thaidas
Sederet, epuli modiperator splendidi,
Petulcus euibrabat in pulcherrimas.

Si fôrs ab alto fulminaret pulpito,
Et has & illas sessitantes cerneret,
Comptas, venustas, & medullarum faces:
Hic ore fluitans, verba contortuplicans,
Perdens memoriae miser epistomium suæ,
Petulcus euibrabat in pulcherrimas.

Si cœna fieret anti-sacro-sanctissima,
Vbi à Ministro porgitur panis merus,
(Qui si supersit, & datur cani merus)
Vinumque, quod bibacibus placet, merum,
Petulcus euibrabat in pulcherrimas,
Et diu sinebat eliquari cantharum,
Diu decoras ut tueri ius foret.

Si Caia Caio nuberet formosula,
Ipso, ut decebat, pronubo, quibus ignibus
Ardebat intus Aetna, fumabat fôris.

Vnam ille reliquas inter arsit: hæc erat
Pudica coniux ciuis haud gregarij:
Quem si peregrè abiisse persentisceret
Odorus auceps; hamus, hamus ilicet
Iam litteris in promptu erat, iam flosculis,
Varioque adortus missili munusculo
Intaminatam pectoris casti niuem,

Dum

Dum millies procatur importunitas,
Dumque ut columba circumerrat, millies
Tulit repulsam, sensit & crepidam sibi
In utramque narim non semel compingier.

Molestiarum deuorarat plus satis
Matrona; damnum metuit, & suæ vicem
Sollicita famæ, coniugi tandem refert,
Quas hic familæ spurcus insidias struat,
Quas & pudori machinas cudat suo.
Freder Maritus, & vicissim moliens
Suum Ministro dedecus, suam fabam,
Per ima cuncta iurat, admirso labro,
,, Non sic abibis, ô adulterum Pecus,
,, Non sic abibis. Ergo præproperus equo
Abire fngit vrbe, mandat coniugi
Si fors Magister Ganeo repedauerit,
In intimum ut cubile deducat procum.

Abiens equo vix calcar admirat suo,
En tibi petulcus aduolat, pulsat fores,
Matrona pandit, ridet, ingredi sinit,
Lares in imos abdit, & subter toro,
Donec profunda sola nox esset vigil.

Haud mora; Marito sic volente, satellites
(Ac si seuerus destinasset creditor)
Irruere, clamare, scrutari omnia,
Aceris alieni gratia, quod soluier
Non nisi sub hastâ spes sit in medio foro.

Mulier sonorâ voce, cum harpagonibus
Iurgare simulat, & Vir execrariet.
Audit Minister, & propinquus, & tremens
Sudat sub ipso deprehendendus toro,
Ni fugiat. Eheu, fugere ne vel specula est.

Postica

Postica non est ianua, haud est angulus,
 Quò se abdat, vllus, & fenestra est altior,
 Nec in caminum scandere misero licet,
 Acuum nigellis institoribus ut licet;
 Illos pater Sabaudus à puero docet
 Et esse turpes, & caminos verrere.
 Quid agat? Asylum restat vnum & vnicum:
 Erat Arca scrutis hic referta sordidis:
 Huc ille quantus quantus est, se infudit,
 Thesaurus ingens sordium; silentio
 Tum claudit Arcam; & spiritum & tussim premit
 Scilicet in antro hoc non suo mis tutus est.

„ Satelles intrat, En supellex, en, ait,
 „ Venalis Arca, deuehatur in forum,
 „ Et creditori mitigando erit satis.
 Quid fuerit animi, quid pudoris, quid metus
 Meo Ministro, suspicarier licet.
 Gallina vulpes inter ut pallet duas,
 Interque feles musculus, velut duos
 Inter columba vultures, inter lupos
 Ouicula totidem, quodque trepidandum magis,
 Inter duos ut rusticus cauifrahos:
 Sic tremulus inter baiulos & pensilis
 Minister horret, tantus hunc vir metus,
 Ut oua preffa pectori, possent coqui.

Tandem emouetur (quod cadat feliciter)
 Venumque fertur in fori meditullium.

Adeste, Adeste, conuenæ, aduenæ, incolæ.
 Illicò forenses deambulones, aucipes
 Rerum nouarum, nuntiorum haruspices,
 Sed & propolæ, ad hoc Cloacinæ Deæ
 Nobile facellum conuolant: Quid, inquiunt,

Hac

» Hæc longa, picta, vincita ferro candido,
» Et grauior Arca? Credite (aiunt baiuli
Docti creare & prorogare fabulam)
» Vendibilis Arca est, & quod intus delitet;
» In hac volumen integrum & pulcherrimum est,
» Quod noster heros Plessius, Samurij
» Iniquitatis edidit Mysterium.
» In hac Genevae castitas, velut in lare
Residet paterno. Quidquid hic tandem sicut,
» Non poteris minoris vendier obolis tribus.
Risere ciues, hos iocarier rati.
Pandatur ergo, clamitant, & panditur;
Arcâ patente, vident ut malum diem
Occultus inter scruta vespertino,
Os manibus abdit: ast ubi satellites
Ab ore sembrunt manus, Dominum vident,
Dominum Ministrum, longam in Arcâ noctuam.
Tum Stupor, & Ira, & Risus, & iustus Dolor,
Suam dederunt in foro comediam.
Pudore sed enim Prologo, Epilogo Infamia.
Vt cuique subito libuit aspectantium,
Pars magna risu diffluit, pars lacrymis;
Ea feminarum laus fuit lugentium
Luctum Ministri: pars in iras feruidi
Pænè in capillos, inque barbam proruunt.
Sunt, qui imprecentur impudico tergori
Bene macerati viminis centum doses,
Mersamque vellent in lacu Gebennico
Et Arcam, & Arcæ pondus. Exemplò foras
Is in pedes, & se in tabernam proximam,
Hoc expeditus è sepulcro, proripit.
Delata res est ad patres Gebennicos.

Mox

Mox ad lucernam nocte(ne sciret dies,)
Coacta synodus: ut fit,in varias itum est.
Fuere poenas qui horridas decernerent:
His zelus ambedebat ultimam cutem.

Sed mulus ut mulum scabit:synedrij
Stetit à Ministro mollior sententia.

Iubent carere publico,gestæ rei
Donec sepulta fama conquiesceret,
Obluijque fese in Arcam conderet.
Sed ea recondi,sed latere noluit,
Solita volare:& euolans Arcâ,super
Diæ Memoriae hæc sacra fixit carmina:

Viator Hugonota,si nescis,tuo
Fraterculorum de Ministrorum grege
Hic iacuit,hic se nuper ipse sepelijt.
Dein mancipij instar ære venalis fuit
Bonus Anti-Ioseph,nomen haud aliud scio,
Et ut liquidiū scire me contingeret,
Non aliud illi nomen inderem lubens,
Nam Patriarchæ Ioseph Antypus fuit.
Vterque venum traditus;sed pertinax
Istum Libido,Liuor illum vendidit.

Huic igitur appicare,si vales,benè:
Hortare,si non castus,ut cautus siet.
Dic veteris Arcæ sit memor,metuens nouæ.

Ett-